



N 1067/01  
04/02/2022

1067-01-2-202202041802



**შპს „გეო + ეკო სერვის“**

მის: ქ. თბილისი, ნაკადულის I შეს. სახ. №6, ბ. №30


საქართველოს გარემოს დაცვისა და სოფლის მეურნეობის სამინისტრომ განიხილა თქვენი 2022 წლის 20 იანვრის N 722 განცხადება, რომელიც ეხება გარდაბანის მუნიციპალიტეტში სოფ. კრწანისში სასარგებლო წიაღისეულის 108997 ტონა თიხა-თაბაშირის (გაჯი) მოპოვების გარემოზე ზემოქმედების შეფასების ანგარიშს და გაცნობებთ შემდეგს:

- გზმ-ის ანგარიშში წარმოდგენილი უნდა იყოს საპროექტო ტერიტორიის საკუთრების ან სარგებლობის დამადასტურებელი დოკუმენტაცია;
- გზმ-ის ანგარიშზე თანდართულ SHP ფაილებში მოცემული უნდა იყოს ინფორმაცია საპროექტო ტერიტორიამდე მისასვლელი გზების შესახებ;
- გზმ-ის ანგარიშში არ არის წარმოდგენილი 2021 წლის 22 ოქტომბრის N 48 სკოპინგის დასკვნით (ბრძანება N 2-1494; 22/10/2021) მოთხოვნილი - საპროექტო არეალის საინჟინრო-გეოლოგიური კვლევა და კვლევის შედეგები. მოცემული გეოლოგიური გარემოს შესახებ ინფორმაცია ზოგადია, წარმოდგენილი უნდა იყოს უშუალოდ საპროექტო ტერიტორიის გეოლოგიური გარემოსა და გეოლოგიურ გარემოზე ზემოქმედების შესახებ სათანადო მონაცემები;
- გზმ-ის ანგარიშში წარმოდგენილი უნდა იყოს პროექტის ფარგლებში მოსალოდნელი ზემოქმედება ატმოსფერულ ჰაერზე, ატმოსფერულ ჰაერში მავნე ნივთიერებათა გაბნევის ანგარიში (მათ შორის მანქანა-მექანიზმების ექსპლუატაციისა და საქმიანობასთან დაკავშირებული სხვა სამუშაოების შესრულებისას) მოსალოდნელი ზემოქმედების შემარბილებელი ღონისძიებები და მონიტორინგის საკითხები;
- გზმ-ის ანგარიშში წარმოდგენილ კონსულტანტთა ნუსხაში, რომელთაც მონაწილეობა მიიღეს დოკუმენტის მომზადებაში მითითებულია მხოლოდ ერთი კონსულტანტი (გარემოზე ზემოქმედების შეფასების/GIS კონსულტანტი). გაცნობებთ, რომ გარემოსდაცვითი შეფასების კოდექსის მე-10 მუხლის მე-4 ნაწილის თანახმად, გზმ-ის ანგარიშს თან უნდა დაერთოს ინფორმაცია იმ კონსულტანტის დასახელებისა და და იურიდიული მისამართის შესახებ, რომელიც მონაწილეობდა გზმ-ის ანგარიშის მომზადებაში (ასეთის არსებობის შემთხვევაში). დაზუსტებას საჭიროებს, მხოლოდ ერთი სპეციალისტის-GIS კონსულტანტის მიერ იქნა მომზადებული აღნიშნული დოკუმენტაცია თუ არა. სხვა სპეციალისტების მონაწილეობის შემთხვევაში, გზმ-ის ანგარიში ხელმოწერილი უნდა იყოს იმ

პირის/პირების მიერ, რომელიც/რომლებიც მონაწილეობდა/მონაწილეობდნენ მის მომზადებაში, მათ შორის, კონსულტანტის მიერ.

აღნიშნულიდან გამომდინარე, სამინისტრო კანონმდებლობის შესაბამისად გარემოსდაცვითი გადაწყვეტილების გაცემის მიზნით ადმინისტრაციულ წარმოებას დაიწყებს „გარემოსდაცვითი შეფასების კოდექსით“ დადგენილი სრულყოფილი დოკუმენტაციის წარმოდგენის შემდეგ.

ნინო თანდილაშვილი



მინისტრის მოადგილე

